

四庫全書

集部

欽定四庫全書考證

集部

卷八
十三

纂修官候補司業臣王太岳

臣曹錫寶

謄錄拔貢生臣劉衡詔

欽定四庫全書考證

卷八十三集部

劔南詩稿

南湖集

自鳴集

石屏詩集

燭湖集

省齋集

橋山四六

克齋集

鶴山集

西山文集

東山詩選

鶴林集

漁野類稿

滄洲塵缶編

篔窗集

方壺存稿

鐵菴集

臞軒集

樊帚稿畧

--	--	--	--	--	--	--	--	--	--

...

劍南詩稿 宋陸游撰

卷一

謝王彥光提刑見訪肯顧荒山野水濱 刊本肯訛皆

今改

卷二

將赴官夔州書懷民風雜夷徭封域近六詔 刊本六

訛無今改

卷三

南池注安知有蒼池萬頃浸坤軸 刊本坤軸訛乾坤

据杜工部集改

綿州錄參廳觀姜楚公畫鷹他時此物合致用 刊本

他訛天据別本改

卷四

秋夜遣懷迹似春萍本無蒂 刊本蒂訛抵今改

卷五

夜食炒粟有感和寧門外早朝時 刊本時訛來据宋

詩鈔改

卷六

郟縣道中江落灘聲壯 刊本落訛路据別本改

喜雨小畦蔬甲已堪烹 刊本蔬訛稀据別本改

卷九

正月二日府公宴移忠院藍尾傳盃後 刊本藍訛燼

据白樂天集改

卷十一

鵝湖夜坐書懷裴度請討蔡奏事猶裏創 刊本裏訛

裏今改

卷十二

五月十一日夜且半夢從大駕親征首肯峰前盡亭障

刊本亭訛停今改

卷十三

別楊秀才歲暮江頭又別離 刊本別訛語今改

對酒但恨寶釵樓注咸陽棋亭也 刊本陽訛都据別

本改

卷十四

梅雨陂澤皆滿汪汪牛渚白 刊本渚訛潼据穆天子

傳改

卷十八

水亭獨酌定襄五原間乃可畫地守 刊本五訛伍今

改

卷十九

地僻乘槎不是星躔遠 刊本星訛英今改

卷二十

三月二十日晚酌朱櫻青杏正新嘗 刊本杏訛店据

别本改

卷二十二

縱筆玉霄峰頭雪色鹿 刊本色訛也今改

卷二十六

枕上聞禽聲破曉一聲婆餅焦 刊本婆訛婆今改

卷二十八

癸丑十一月下旬溫煥如春青天方行三足鳥 刊本

足訛尺今改

卷二十九

西牕睡起秋山慵伴獵將軍 刊本慵訛慵今改

卷三十

新暑書事吾愛吾廬暑氣微
刊本暑記喜今改

卷三十二

春夏之交風日清美欣然有賦猶插金貂侍帝宸
刊
本宸訛宸今改

卷三十八

三山卜居今三十有三年矣屋陋甚而地有餘
刊本

陋訛漏据別本改

卷三十九

得故人書此心誰復許
刊本許訛謀据別本改

卷四十三

齋中雜興月夕聞吹笛注每聞笛聲淒甚 刊本淒訛

異据宋詩鈔改

卷四十四

讀蘇叔黨汝州北山雜詩社雨泥一尺 刊本尺訛赤

据別本改

卷四十六

閨中有詠細繞坡頭行犖确 刊本确訛甬据別本改

卷四十九

晚興時聽荒園啄木聲 刊本啄訛削据別本改

卷五十二

雜興灰深火正熱 刊本熱訛熟据別本改

卷五十五

連陰欲雪排悶先生經句甑生塵 刊本生訛塵据宋

詩鈔改

卷六十一

春興沙平看臥犢葉密聽鳴禽 刊本葉密二字互倒

据別本改

雨草堂東望不勝清
刊本東訛登据宋詩鈔改

卷六十四

憶昔
刊本憶訛惜据別本及本詩改

卷六十六

夜聞姑惡學道當於萬事輕
刊本輕訛轉据別本改

卷六十九

舍南雜興倦憇石腰鼓注石工琢石作腰鼓樣以坐

刊本腰訛杖据別本改

自法雲回魯墟故居芋魁莖不勝肥
刊本莖訛

兩据別本改

幽事東皇又挽斗杓回
刊本杓訛柄据史記改

卷七十

予素不工書作詩自嘲髡髻入小學
刊本髡訛統据

別本改

卷七十一

幽居即事修綆汲牛乳
刊本綆訛梗今改

雷雨稽首謁龍公
刊本首訛手今改

卷七十二

秋感豎禍猶懷卒歲憂
刊本豎訛堅今改

卷七十六

禽言蠶女採桑至煮繭
刊本蠶訛蠢据別本改

卷八十

後雜興拜覬不敢忘
刊本覬訛况今改

卷八十三

書意歡醜如上尊
刊本醜訛滴据別本改

南湖集 宋張鑑撰

卷一

雜興其三十四道上車鐸逢地底黃鐘成 原本鐸訛
驛据世說荀勗事改

卷四

次武子韵安心從太末借屋近平原 原本末訛白按
詩注武子近從天台宏智師遊天台與太末山相近
應作太末為是今改

遊大中乾元寺僧殘無悟語猶幸結宗雷 原本雷訛

蕃蕃字出韻按宗雷即淨社諸人今据改

卷六

次韻酬新九江使君杉旁試履拖雲濕石上敲鈎破蘚
斑 原本脫斑字今依韻增入

官舍夢歸南湖覺來不忍輕開眼窗外芭蕉戰曉寒
原本曉訛兢今改

姑蘇懷古成壞不將供一笑爭如烟外罨漁郎 原本
罨訛罨按廣韻罨捕魚網今据改

卷七

立秋後一日池上雜興船舷何事若輕雷盞葉衝蓮一
道開 原本衝訛衝今改

自鳴集 宋章甫撰

卷四

送潘致虛之湖南久客兒童狎窮居草木長 原本久

訛允今改

卷五

聞吟其二梅花白盡柳初黃春未平分日已長 原本

初作花按李白詩柳色黃金嫩王安石詩弄日鶯黃
裊裊垂賦新柳者多用黃字若柳花則白而非黃矣

今改

石屏詩集

宋戴復古撰

卷二

題趙庶可山臺超然闌闌間 原本趙訛趨今改

卷五

海月星天之觀注人行中路月升海 原本升訛上今

改

燭湖集 宋孫應時撰

原序

己會粹者十有二卷 按宋史藝文志燭湖集十卷祖
佑跋亦作十卷序稱十二卷疑悞今姑從原本

卷一

慈福太后加上尊號表 按宋史高宗憲聖慈烈吳皇
后淳熙中名所御殿曰慈福光宗即位更號壽聖皇
太后以壽皇故不稱太皇太后紹熙四年后壽八十
加尊號曰隆慈備福案篇中有八秩壽康之慶云云

此表及下篇均當為紹熙四年所作

會慶節賀表

按宋史禮志孝宗以十月二十二日為

會慶節

其三臣綴班奎閣將指坤維

原本坤訛揮按蜀為坤

維集中表箋皆應時在蜀幕時代丘寔所作今改

重明節賀表

按宋史禮志光宗以九月四日為重明

節

其三身縻萬里忝西清學士之班節過千秋慶南極老

人之見

按宋史丘寔傳寔知成都進煥章閣直學

士故篇中有西清學士云云

賀壽成皇后牋 按宋史孝宗成肅謝皇后光宗即位
上尊號壽成皇后

代請龍圖閣學士胡沂謚狀按此狀代胡沂之子搏所
作搏上此狀後賜謚獻簡考宋史沂本傳作獻肅而
施宿會稽志作獻簡餘姚志沂初謚章簡又以搏言
易獻簡附考 又伏念臣先父龍圖閣學士左道議
大夫致仕餘姚縣開國子食邑六百戶案宋史及會
稽志沂本傳不載餘姚縣開國子云云此可以補其

闕 又再念先臣幼為宣和諸生險阻艱難義不忘
君按會稽志沂宣和末補太學諸生圍城之難獨閉
戶肄業如故篇中宣和諸生云云即指此事

太守入境與文太師先狀 按宋史宰輔表淳熙以後
慶元以前無文姓居宰執官太師者惟彥博官太師
與應時時代先後不相及篇中有洛土云云疑為北
宋人文字永樂大典誤編入此今無別本可校姑仍
其舊

答新成州字文知郡子震狀 按宋史地理志成州本

屬秦鳳路紹興初陝西地入於金改隸利州路篇中
云關外偏州國西要地皆指成州以宇文子震新有
除命故稱新成州原本誤作新城考新城屬臨安未
嘗升為州今改正

謝虞提刑陞陟狀駸明雖惡不廢於一言即墨可封無
間於多毀 原本駸訛駸据左傳改

答單侍郎到狀撇漩捐漬纔脫巴江之險捫參歷井更
知蜀道之難 原本捐漬訛捐漬据杜詩最能行撇
漩捐漬無險阻句改

迎韓相自洛西由闕判北京狀 按宋史崇寧元年韓忠彥自左僕射兼門下侍郎出知大名府兼北京留守考宋史地理志慶歷二年改大名府為北京南渡後大名没入於金安得有判北京者此狀當必有誤今姑仍原本

迎蔡相自裕陵還闕狀 按宋史元豐八年神宗葬永裕陵以蔡確為尚書僕射兼門下侍郎為山陵使此篇云祇奉祠於虞幄當指此事應時生於南渡後此狀當必有誤今姑仍原本

卷二

發舉謝鄉帥啟念宣獻以來源流學術之粹顧春明之望冷落艱難之餘按宋史宋綬謚宣獻此啟當代

宋氏所作

其三如某者涑水諸孫山陰北客按此二語當代司

馬氏所作

迎知嚴州冷殿院啟按楊簡撰應時壙志云丞泰州海陵丁承議君憂服闋為嚴州遂安令而張湜會稽續志孫應時傳失載餘姚志因之此啟乃官遂安時

所上

謝執政啟 按會稽志應時自蜀回改秩知平江府常熟縣既滿郡將以私憾摭倉粟流欠三千斛士民相率擔負詣郡代償竟坐貶秩又按三省官請甄錄應時子開祖劄云公朝察其無罪特予改正僅授邵武通判云篇中自叙即指此事

卷三

代邱帥回興元宇文尚書啟請行老上單于之庭歸贊中興天子之計 按宋史宇文紹節傳祖虛中父師

瑗皆以使北死考虛中父子死於金皆在紹興間邱
密帥蜀在紹熙與紹節同時而宋史本傳無使北及
帥興元事此篇請行老上云云當另是一人又按篇
中有並轡曲江聯袂西府又顓掌夏官等語則此人
當為隆興元年與邱密同榜進士為樞密屬官至是
以兵部尚書出帥興元而宋史無考附識於此
代胡崇禮交代徐提幹啟 按胡崇禮名搏沂之子
也見集中胡提幹壙記崇禮嘗為兩浙轉運使提幹
此篇為其時所作

上黃巖呂知縣啟 原本黃訛童今改

卷四

上知平江府鄭寺丞簡其四自今戶部侍郎劉公著績
之後無一令善去者 按宋史劉穎傳紹興二十七
年進士知常熟縣陳峒反所擒賊多穎計策帥上其
功名監進奏院光宗時權戶部侍郎應時時即為常熟
令所指劉公即穎也

同楊總領簡其二所謂相如子雲再生蜀此措紳韋布
所戶知也按此數篇皆代邱寔與楊輔簡考宋史輔

本傳輔遂寧人登進士甲科召試館職由校書郎出
知眉州故此篇引相如子雲及下篇擇西州之望云
云以輔本蜀人也 又顯使西州既四易節按宋史
揚輔傳輔知眉州累遷總領四川財賦升太府少卿
仍為總領故云

回京制帥賀交割簡 按宋史京鏜傳四川闕帥以鏜
為安撫使兼知成都府鏜到官蜀以大治名為刑部
尚書今按此數簡代之者即邱寔也而宋史未詳

卷五

上海翁朱先生書其七今張侯往自慰西人之望按
宋史邱寗傳吳挺死寗即奏乞選他將代之朝命張
詔代挺此云張侯即指詔也

其九且邱丈遭臺評下客贊畫無狀按宋史邱寗傳
寧宗即位赴名以中丞謝深甫論罷之此所云遭臺
評即指此事

其十重念先人墓碣久蒙尊諾原本人訛生按應時
嘗乞其父雪齋墓誌銘於朱子屢見集中据此當作
先人今改

與石檢詳書某甚欲一詣剡與兄別且別編修之殯

原本脫去修字按集中有石編修行狀代石應之作
編修諱斗文今據此增

與潘料院書某頓首再拜上狀文叔 按會稽續志潘
時本金華人遷居上虞子二人友端友恭文叔當為
其兄弟行故篇中有憇止金華遂成濶絕之語

答潘太博書某頓首再拜端叔提幹 按會稽續志潘
友端淳熙甲辰進士為太學博士故稱太博提幹即
其差遺也端叔即友端字

答潘宣幹書頓首再拜恭叔縣尉 按會稽續志潘友
恭為江淮宣撫使司宣幹故稱宣幹縣尉乃其官也
恭叔即友恭字

與葉著作書某正月末始得往鮎埼留數日 原本埼
訛鮎按前漢書地理志會稽郡鄞縣有鮎埼亭今据
改

卷六

上史越王書伏蒙太傅手賜鈞翰拊勞優寵教以書傳
全帙 按宋史藝文志史浩有尚書講義二十卷此

所云書傳當即此事

其三已授遂安令三年次按三年次謂需次須三年始授闕也詳見上象山陸先生書

其四某竊審中使驟至御札丁寧申命守臣致禮趨覲按宋史浩傳除太傅致仕封魏國公光宗即位得進太師不言有復召之命据此可補宋史之略又不審扶持劍履成命誰屬或只太社實當之否按宋史浩子彌遠紹熙二年為太社令

其五道學不足用則無道不學者乃足用乎原其始特

越中輕薄子立此名自乙未歲流入太學已而嚮布中外按宋史朱子提舉浙東常平劾唐仲友陳賈鄭丙相與叶力攻道學偽學之禁始此事在淳熙九年據此云自乙未歲流入太學乙未為淳熙三年當必有所指而宋史失載附識於此

上象山陸先生書某拜覆先生知軍監丞按宋史陸九淵傳除將作監丞光宗即位差知荆門軍應時諸書皆在此時

其二但及修城發銀事似於情實有未相通者按宋

史九淵以荆門為郡居江漢之間而城池闕然乃請於朝而城之所云修城發銀即指此事

卷七

上邱文定公書 按宋史邱寔忠定應時為寔幕職當得其實集中稱文定與史互異今姑仍原本

其十二某惶恐拜覆判府制帥大學原本帥訛師今改大學二字未詳按宋史寔知成都進煥章閣直學士故前書稱閣學大學即閣學之訛今姑仍原本 又若先生不果留中來鎮東海按宋史邱寔傳寔以謝

深甫論罷居數年復職知慶元府慶元即今寧波府
故此書中有一卧十年及來鎮東海等語

其十三豈惟留都大府一正紀綱之舊 按宋史邱寔
傳寧宗時以敷文閣學士改知建康府留都大府云
云當指此

答呂寺丞書其十三至益昌見總卿因到武興畧觀邊
頭人情 按宋史揚輔時為總領居益昌武興帥即
吳挺邱寔時遣應時覘挺疾即指此事

其四吳氏兄弟平平部曲取能奴事者僕嘗觀其軍可

無慮張君卿且可撫輯也 按吳氏兄弟指吳挺之
子張君卿即張詔也

其五既別二十日遂聞韶石之命 按宋史呂祖儉傳
祖儉上書救趙汝愚劾韓侂胄安置韶州以樓鑰等
論救行至廬陵得旨改送吉州篇中所指即此事

與項大卿書再拜平父教授 按宋史項安世字平父
與應時同登淳熙二年進士初召試除秘書正字遷
校書郎此稱教授當是初以教授召試除正字而史
失載之也

其三分手無何得兄池陽之報 按宋史平父為言者
劾去通判重慶府未拜坐學禁久廢此篇詞意當在
此時但池陽之報尋復踳躄云云池陽即池州考平
父一知鄂州未嘗知池州或亦未拜而罷宋史遂失
書之也

卷八

上張叅政書某州里晚出知慕先進名德之重 按蕭
山縣志張孝伯傳孝伯本歷陽人寓居蕭山因家焉
嘉泰四年孝伯叅知政事應時與孝伯同郡故云云

與史同叔書其二再拜同叔太社 按史彌遠字同叔
時為太社令

上少保吳都統書 按宋史吳挺傳淳熙元年改興州
都統十年加檢校少保紹熙四年以疾乞致仕詔加
太尉此書題稱少保都統而書中稱太尉相公者或
應時視挺疾途中上此書已聞加授太尉之命故書
稱太尉而編集時仍係少保舊銜也

與史開叔書 按史彌堅字開叔浩之子彌遠之弟也
與施監丞宿書且先推一名徐宗廣者抵替 按施宿

時為餘姚令此二書皆為餘姚義役一事集中有義役記不復自載其始於推徐宗廣餘姚志亦未詳此可補地志之闕

與邱機宜書 此篇永樂大典原本題與邱侍郎書而書中稱機宜尊兄且有侍郎所賜手札等語則機宜當為侍郎子姪行蓋應時初應宦辟幕職時也今改題

與李侍郎孟傳書 按會稽續志李孟傳字文授參知政事光之子由象山令遷太府丞考功郎中

卷九

遂安縣學兩祠記以廣漢張敬夫先生嘗守嚴陵原
本敬作欽按張栻字敬夫此避翼祖諱也南渡後翼
祖已祧不應避故栻以此為字或時俗相沿不改故
仍避敬為欽今改

福昌院藏殿記 按餘姚志福昌教寺唐長慶四年建
宋祥符元年賜今額以是記考之福昌當為院其始
名永壽院及紹興後重建俱失載此可以補地志之

闕

法性寺記按餘姚志法性院後晉天福七年建宋祥符
元年賜今額以是記考之院當為寺且於建炎及淳
熙後廢興俱失載此可以補地志之闕 又蓋自淳
熙之甲辰迄嘉泰之癸亥原本嘉泰誤作泰定按宋
史甲辰為孝宗淳熙之十一年癸亥為寧宗嘉泰之
三年寧宗無泰定年號今據宋史改

蘭風酒庫廳壁記餘姚上虞之間有酒庫曰烏盆後更
之曰蘭風其鄉名也 原本烏訛烏按餘姚蘭風鄉
有烏盆係地名今改

餘姚縣義役記淳熙六年春二月臺臣有言 按宋史
食貨志義役始於乾道五年處州松陽縣自是所在
推行而此淳熙六年臺臣云云以行之未久即廢故
有此奏此可以補宋史之闕

南驛記得浮屠智崇之屋一區於縣南之圓智寺 按
餘姚志圓智寺齊永明元年建宋建炎初燬紹興末
重建其改為南驛始末并南驛之名會稽志續志及
餘姚志俱失載此可補地志之闕

客星橋記起精舍曰客星菴 按會稽志庵作堂與此

互異

卷十

送陳濟叔序 原本脫叔字按文內稱濟叔今增

余安世斬蠱傳 按余安世蕭山人會稽志續志及蕭山志俱失載此可補地志之闕

跋司馬家藏薛紹彭臨寶章帖魏泰則曾子宣丞相夫人之弟有東軒筆錄行世 按魏泰云云以下十九字上下文不相屬當是帖中有魏泰跋語故併及之
跋傅給事諫吳應誠使三韓書 按吳應誠宋史翟汝

文傳作楊應識與此互異

疑孟說 按應時有經史說數十條詳見司馬述序原
本另編集後永樂大典內載此條首題孫應時經史
說今以止此一條不復另編附入說類中

李生名字說始予肄業於種山之陰 原本種作鍾按
鍾山在金陵應時未嘗至金陵考紹興府城內有種
山以文種得名應時嘗授徒郡城故文內有歸如錢
塘李生居旁邑百里云云當作種山為是今改

司馬氏七子字說曰述曰道曰述曰遂曰逢曰近曰迅

原本述訛述据下文云述之為言來也改

卷十一

承議郎方公行狀諸軍之支則一百三十餘萬石按宋
史兵志乾道三年兵藉三十二萬三千三百人而不
載歲給軍支之數此可以補宋史之闕 又安豐土
豪孫立有義槩嘗集鄉兵為水寨按宋史兵志載建
炎後鄉兵忠勇下注云闕外西和階成鳳四州所聚
民兵謂之忠勇而不載沿淮忠勇軍孫立名史亦失
載此可以補宋史之闕 又初和州有屯田五百頃

以兵千五百人耕之按宋史食貨志淳熙六年罷和揚二州屯田紹熙元年知和州劉焯以剝田募民充萬孥手分耕而不載方有開在和州屯田事有開名史亦失載此可以補宋史之闕 又少出入忠肅劉公之門按宋史劉珙謚忠肅乾道三年同知樞密院又某與公少同邑長同學校同年又姻家也按方有開新安人隆興元年進士此云與公少同邑及同年云云考應時餘姚人淳熙二年進士此篇當亦代人所作

卷十二

宜人史氏墓誌銘新臨江守餘姚李公以書抵其鄉之
同年友 按餘姚志李友直字叔益史浩妻之以女
初登第銓蕪湖簿後判湖州終知廣德軍不載其為
臨江守此可以補地志之闕

戴夫人墓誌銘隆興初或薦諸朝俾乘驛佐王權軍未
至軍敗原本王訛黃考宋史虞允文傳王權措置淮
西權首棄廬州樞臣葉義問督江淮軍權又潛棄和
州遁歸今据宋史改 又和叔將以次年正月某日

即所居之菊坡墓焉和叔衛師也按此篇係代胡衛所作集中有戴夫人壙記云代於潛宰胡衛為之銘故此云爾衛胡沂之孫崇禮之子官至禮部侍郎

莫府君壙記逢國大慶人爭傳會稽籍以官其親 原

本傳記傳稽記計按此篇云其近族有為天子從臣者指莫叔光也叔光餘姚人以會稽籍登第官至吏部侍郎宋時遇國大慶得推恩蔭其子弟叔廣當為叔光兄弟行故云人爭傳會稽籍以官其親也今改宜人聞人氏壙記趙公歷典四郡以循良著 按餘姚

志趙師龍傳歷知邵武真州溫州婺州卒於官

戴夫人壙記里人新邵武通守孫某 原本邵訛昭按
應時自常熟令秩滿投邵武判今据改

卷十三

祭晦翁朱先生文若乃丹陽之改爵實載定陵之長編

按朱子答應時書云子游之封在唐為吳侯在政
和為丹陽公而淳熙所頒祀禮乃為吳公蓋子子皆
因唐之舊自侯而公然不知何時所加云云蓋應時
未答而朱子沒故祭文并及此事

祭張叅政文我宰秦川公使過吳采之道路歸騰薦書

按應時為常熟令秩滿為郡將所摺撫而此云采之道路及下云公為法從力救不可云云則應時在常熟時已為張孝伯所論薦及被論復營救之而會稽續志及楊簡壙記俱失載

祭胡達材文 按達材胡沂之子崇禮之兄也

祭興元吳侯文 此篇係代邱寔祭吳挺所作

祭表姪莫幼明秀才文吾邑前大夫常侯世為名家

按餘姚志常褚慶元五年為餘姚令

卷十四

西明山記遊八十韻爾來卧燭湖清夢長夷猶原本燭
訛竹考應時居燭溪湖故自號燭湖居士今改 又
試履清賢嶺弭蓋白水湫原本賢訛煙按四明山志
嶺曰清賢以謝安石許元度支道林往來故得名今
改又白水山有瀑布如懸河名潺湲洞亦見四明志
又或若戲狻猊或若鬪貔貅按四明山志作或戲
若狻猊或鬪若貔貅與此互異 又荒蹊夾桃李密
蔭間梧楸四明山志間作開與此互異 又是中可

避世何勞更乘桴按乘桴之桴亦有浮音 易林水
深無桴蹇難何游此係叶韻 又掛壁見猱捷食芥
聞鹿呦原本捷訛雜据四明山志改 又老僧頗好
事幅畫肯見投按四明山志幅畫作名德與此互異
送張敬夫荊州形勝地控引吁廣莫 按宋史張栻傳
除秘閣修撰荊湖北路轉運使改知江陵府安撫本
路此篇云云當在栻出知江陵時也

如寧菴蹉跎今白髮寒暑厭相寇 原本寇訛冠陸游
詩生恐陰陽寇即此意今依韻改

端午侍母氏飲有懷二兄楊梅應正熟筍筍堪自煮原
本筌訛圭按會稽續志筌越竹越中俱有而剡為多
又梅聖俞詩侵天筌竹溪西東今据改 又會當誓
邱墓畏出如畏虎原本墓訛壑据王羲之誓墓文改

卷十五

澗壁阻風致意孫興公尋君遂初賦 原本孫訛吳据

孫綽賦改

和劉師文飲城西見懷遙追七賢社不負千鍾錄 原

本錄訛祿按下重答一首韻當作錄千鍾錄猶言杯

中錄也今改

入劍門和少陵韻殺人古如麻俛仰有餘愴 按杜甫
入劍門詩愴字在第五韻此押在第七韻與原韻互
異

石櫃閣和少陵韻 按此首係石櫃閣杜甫韻原本脫
去石櫃閣三字今增

道傍水行可愛雞犬在籬落沙水暮光映 原本映訛
烟今依韻改

斗南竹林祠歌 按宋史寇準傳準卒於海康詔許歸

葬道出荆南公安縣邑人迎祭於道斷竹插地以掛
紙錢竹遂不根而生滋茂殆一畝邑人神之立廟於
側此篇咏竹林祠即準廟也

卷十六

杜子貞遠訪以二詩送之松楸今十世竹帛故三公
按子貞山陰人杜祁公行之後也故有十世三公之
語

挽吳給事芾 按宋史吳芾紹興中進士歷官給事中
終禮部侍郎龍圖閣直學士此作挽詞不應仍稱為

給事與正史先後不合

其二兩朝高獻納六郡凜威名 按史稱芾前後守六郡故有此句原本六訛五今据史改

其三里社湖山勝歸休十四年按史稱芾退閒十四年自號湖山居士厲鶚宋詩紀事載芾有湖山集

挽王季海丞相 按宋史王淮字季海金華人淳熙四年叅知政事至十五年罷左丞相除觀文殿判衢州故詩有十年深注倚及分陝初聊爾之句

挽李資政 原本資訊致今改

挽潘德夫左司 按會稽續志潘時字德廊上虞人官

左司郎官集內廊俱作夫與會稽續志互異

挽趙子固左司 按趙子固名鞏周必大平園續稿有

與隆興帥趙子固鞏啟蓋孝宗時人非宋末之趙孟

堅也

挽趙秦州母劉夫人 原本秦作秦按下有挽趙秦州

詩云五馬催三駕此詩云榮養指三州當即一人宋

南渡後有秦州無秦州今改

答陳子序庠見貽其三直節豫章後高名唯室孫 按

陳長方字齊之號唯室吳郡人紹興戊午進士子序
乃其孫也

挽王知復書監其二飛橋壯吾邑虹影麗高深 按王
知復名逵應時同邑人隆興元年進士會稽志德惠
橋在餘姚縣舊曰虹橋淳熙戊戌王司業逵捐已帑
新之故有此語

卷十七

挽莫子晉文其三上林烟草綠千里倍傷神 按上林
餘姚縣鄉名莫子晉居此故云非用上林苑故事也

益昌僧寺靜境軒 此詩永樂大典失載今從吳禮部

詩話採入

武擔山其二 秋光搖落日野色亂寒雲心事長千載腰
圍更幾分 此詩載吳禮部詩話亂作盪千載作千
里與此互異

武擔西臺和師文作 按此詩永樂大典題作和師文
作吳禮部詩話題作武擔西臺今以詩意考之當是
武擔西臺和師文作師文劉師文也益州人與應時
同在邱宙幕今改

新灘見桃杏書事 按此詩永樂大典失載今從吳禮

部詩話採入

挽汪充之給事母程夫人蘋蘩祇祀事枌茘媚肴羞
原本茘訛槿据禮記內則茘苙枌榆改

卷十八

登仙木 此詩永樂大典失載今從毛永貞石田山房
詩姚江逸詩內採入

卷十九

和甄雲卿詩其二誰貪上黨誤長平 按應時卒於開

禧二年甲戌是年五月下詔伐金此詩當為韓侂胄
開邊釁而作故有上黨長平之喻蓋豫知其將敗也
送別袁公四詩其二露門勸學首羣公 按北周書武
帝紀武成二年改作露門熊安生傳拜露門學博士
又劉臻為露門學士附識於此

西湖詩溪橋無處尋君復詩帳令人憶大蘇 原本復
訛後今改

卷二十

讀通鑑雜興 按咏嚴光陳實二詩見王應麟困學紀

聞云朱子謂二絕甚佳又按讀原本訛續据困學紀聞改

附編

孫介詩幼子獨留官舍 原本幼訛尉今据文義改

孫應求詩仲弟應符生日阿連誕世在茲辰月吐三更

恰半春 原本附訛何按詩盖以謝惠連比應符也

今据文義改

省齋集 宋廖行之撰

卷二

同伯潛諸公聯騎出城東次衫字韻晴光忽散湘江上
秋色疑連夢澤南 原本忽訛思今改

書懷試問虛名空北斗何如循養樂南陔 原本北斗
二字互倒今改

卷三

挽武宣教僕其二手取科名如拾芥眼高富貴等浮雲
原本拾訛北今改

雨中惜海棠花其四費盡胭脂畫不妍春心一縷褪唇
媽 原本唇訛辱今改

卷七

賀沅靖倅元正啟雞符桃梗以餞餘寒椒酒辛盤爰興
嗣歲 原本辛訛華今改

到任謝湖北汪憲啟起諸生而綴仕版敢云稽古之功
得三釜以奉親闈竊懷奉檄之喜 原本檄訛機今
改

摘山四六 宋李廷忠撰 明孫雲翼注

卷一

通錢簽判啟從容嘯諾注南陽太守岑公孝 刊本岑
訛成据後漢書改

卷二

謝揚州范給事啟堂下片言邂逅相契注馥蔑惡欲觀
叔向 刊本叔向訛子產据左傳改

同黃州陳知府啟望寶隣之國注親仁善隣國之寶也
刊本仁訛賢据左傳改

賀韓尚書啟居北斗喉舌之司注出納王命王之喉舌

刊本出納王命訛維仲山甫据毛詩改

賀俞大監除中書舍人啟軒軒獨步注惟會稽王來軒

軒然如朝霞舉 刊本霞訛遐据世說改

卷四

賀程待制啟焯焯百鍊之剛注百鍊青犢漏景吳大帝

三寶刀也 按吳大唐類函引崔豹古今注作漢文

賀淮東梁總領啟注鎮江諸軍錢糧隸淮東總領建康

諸軍錢糧隸淮西總領刊本脫建康至總領十一字

据文獻通考增 又幣帛阜通注貨寶於金利於刀
刊本寶訛食刀訛刀並据漢書改

卷五

賀嚴宗卿啟尋曲臺之故步注王彥威始為曲臺新禮
刊本威訛盛据唐書改

被召謝五府啟秦并六國易置於守牧注秦削罷列侯
為三十六郡 刊本脫三字据文獻通考增

--	--	--	--	--	--	--	--	--

克齋集 宋陳文蔚撰

卷三

與余方叔書顛沛必於是 刊本於訛如今改

卷十五

戊寅老人生日人間可慕是榮華 刊本脫是字今增

鶴山集 宋魏了翁撰

卷十五

奏論故軍器監主簿游仲鴻而文致之辭 刊本致訛
敢据前漢書改

卷十六

貼黃六曰復臺諫舊典以公黜陟 刊本脫公字据宋

史增

卷十九

除授禮部尚書第一劄忠忱謹實者 刊本忠下行臣

字今刪

卷四十四

眉州江鄉館記眉為西南孔道 原本孔訛空今改

卷六十三

跋尤氏蓬初堂藏書目錄序後是穉是菘 刊本菘訛

耘据左傳改

卷八十九

敷文閣直學士吳公行狀統領孟宗政董世雄 刊本

董訛皆据宋史改

卷九十九

設文昌醮啟壇詞仰瞻九列之崇
刊本列訛則据漢書改

卷一百七

冪人掌共巾冪注唯言共巾可以覆物
刊本覆訛賈据周禮注疏改

卷一百八

鄭康成未有音切條杜預傳注泥音如甯
刊本甯訛密按左傳盟于甯毋注云高平方與縣東有泥毋亭

音如甯今据改

卷一百九

古禮體條遵豆大房

刊本房訛旁据毛詩改

西山文集 宋真德秀撰

卷一

魚計亭後賦迺昧筭而蒙眾 刊本眾訛眾据賦彙改

卷二十

知潼川府劉甲乞退不允詔 刊本川訛州据宋史改

卷三十三

劉誠伯字說叔孫豎牛之兆 刊本豎訛豎今改

卷四十八

太夫人誕辰設醮每丹衷之惕若屬新元之肇始 刊

本複衍若字今刪

東山詩選 宋葛紹體撰

卷上

分水嶺平波翼叢篠荒丘帶深隧 原本隧訛遂今改

袁從道山廬其三峻領帶薄髭瘦骨撐踈眉 原本領

訛嶺今改

遊本覺寺清磬遞風韻曉霜翻露姿 原本清訛琴今

改

道旁酒家門當海嶠開籬脚破新苔 原本嶠訛橋今

改

浸碧亭月夜粟綴嫩黃懷老圃酒篤新綠見虛亭 原本

綴訛改今改

水陸寺林鳥忽鳴疑悟道石磯危坐似逃禪 原本悟

訛誤今改

鶴林集 宋吳泳撰

卷十

皇叔祖多識贈開府儀同三司制生則累茵列鼎以
疏榮歿則襚印審章而廣孝 原本審作密按密章
見晉書山濤等傳言不刻印而以蠟為之也今据改
鄭性之父汝永贈太子太師制菜與階齊卒兆龍頭之
選木臨匣口竟占樞字之祥 原本菜訛萊按東齋
遺事真宗臨軒策士夜夢殿下有一菜苗甚盛與殿
基相高及拆第一卷乃蔡齋也文義用此事今据改

卷十一

兩佐神封翼惠公助順公制河神請纓而楚國之師燔
山鬼返壁而祖龍之魄喪 原本燔訛潜据左傳改

卷十七

論郡縣人心疏唐中世之變非涇原戍卒也 原本原
訛源按舊唐書藩鎮傳作原今据改

卷十八

論蜀事劄子鳳州江寧節度使劉光儀出歸峽按儀五
代史作又 又今年戰於和尚原明年戰於饒風關

原本闕訛嶺据宋史改

卷二十六

謝范漕舉啟指隣家而乞火曾荷言揚就神鼎以鑄金
端蒙筮造 原本筮訛花今改

卷三十二

上曹太傅書惟永嘉陳氏之學則得於薛公持正 原
本持訛寺今改

卷三十三

蜀帥與夏人夾攻金人策問或請將湟中義從以討羌

原本隍訛隍据漢書改

漁墅類稿 宋陳元晉撰

卷二

通霄都徐宰啟鳴子賤之琴剽先聲而起敬祭孫寶之
靈徽後福以知歸 原本寶訛室据漢書改

卷三

回程虎卿勞還啟以劉蕢而未第我輩何顏如雍齒而
且侯吾屬吳患 原本蕢訛責今改

卷八

七月初十夜對月呈留粹中孤館無人同夜月長年作

客又秋風 原本作訛如今改

紀遊再用前韻要知酒興并詩料不在山巔即水涯

原本并訛拜今改

韶石使君年丈扁舟過我於松桂林敬哦小詩常懷李
白詩無敵莫怪韋郎跡也疎 原本常訛韋今改

滄州塵缶編 宋程公許撰

卷二

擬九頌朝陽閭於微閭兮發輒景未仄兮帝宮
於微二字互倒据屈原遠遊篇夕始臨乎於微閭註
即醫無閭也改

--	--	--	--	--	--	--	--	--

貧窓集 宋陳耆卿撰

卷四

處州平政橋記 郡廳舫於天禧 原本禧訛喜今改

卷五

代通王舍人書 食於魚稻之鄉者 賤螺蛤輕魴鯉而至
於淮白吳鱠巴蜀之蹲鴟 獨垂涎焉 原本鱠訛鱠

今改

方壺存稿 宋汪莘撰

卷一

放歌行揚雄但能識竒字 原本字訛事据漢書改

卷二

黃山高夔鼓隱隱兮管啾啾 原本夔訛獲据繹史改

卷四

水龍吟 原本脫吟字据詞譜增

玉樓春詞心共白蘋香不斷 原本脫香字据詞綜增

鐵庵集

宋方大琮撰

卷四

進故事條晉之弱不足敵秦之強 原本脫秦字据下
文增

卷九

謝教條細雨簷花共說慈恩之舊夢 原本脫雨字据
杜工部集增

卷二十五

樂律條制是器者則京房荀勗等也 原本勗訛勉据

晉書改

耀軒集 宋王邁撰

卷二

丙申九月封事 按此篇陳奏與本傳所載互異應有

脫悞

卷四

文章論濟北王興居與平勃之徒共平諸呂以封爵不
如意而謀作亂 原本作濟國王章按漢書諸侯王
表無濟國封號朱虛侯章亦無作亂事應是濟北王
興居今据改

卷八

上袁建寧兼漕啟慈湖作之師繫齋為之父 原本繫
訛挈按袁甫父燮號繫齋今改

卷九

代上廣東楊漕啟投機之會間不容髮露穎而脫輒欲
效毛 原本脫訛先据史記改

卷十

蚊賦或被人以瘡瘡兮如長慶三楊之流 原本楊訛
陽今改

卷十一

諸門生祭真大參西山先生文偽者獻誠慢者致恭人
謂先生為程淳公 原本淳公訛純公据宋史本傳
改

其二六經無師兮宇宙無人惟有珠林之麓分長餘春
本之芑 原本芑訛窠按楊子法言春木之芑兮援
我子之鷄兮今据改

卷十三

梅花吟孤根忍死受寒凍須作百花頭上魁 原本百

訛桃据王曾咏梅詩改

卷十五

嘲解璿為苦語攻姦蔡銓作危言忤老秦原本銓訛詮
按宋史胡銓以言事忤秦檜今据改 又西山夫子
深窮理能以逢干作保身原本西山訛西塘按邁為
真德秀弟子德秀無西塘別字今据改

敝帚稿畧 宋包恢撰

卷一

奏平荻浦寇劄子 按宋史包恢本傳即日除直顯文閣浙西提點刑獄是時海寇為亂恢單車就道渡澉浦分屯逢砦一日集諸軍討平之賊首與諸將姓氏俱不之載是奏足補宋史所未備

卷七

吳九萬字說其有飛而上者亦僅如雞之棲于樹端鶯之遷于喬木而已 按以代木丁丁鳥鳴嚶嚶一詩

相沿成習致成鶯遷之誤如李綽尚書故實王楸野
客叢書論之詳矣然其源始于梁昭明太子啼鶯出
谷爭傳未友之聲唐人諸詩沿之而誤益猶以為鶯
也原本作鸚則因鶯而又誤今改

欽定四庫全書考證

集部

卷十四

七六十五

纂修官候補司業 臣王太岳

臣曹錫寶

謄錄拔貢生 臣劉銜詔

欽定四庫全書考證

卷八十四 集部

冷然齋集

後村集

真齋文編

張氏拙軒集

雲巖集

棋盤集

秋崖集

字溪集

雪坡集

文信國集杜詩

疊山集

潛山集

須溪集

葦航漫遊稿

四明文獻集

閩風集

蛟峯文集

秋聲集

廬山集

英溪集

真山民集

百正集

吾汶稿

紫巖詩選

心泉學詩稿

冷然齋集

宋蘇洵撰

卷一

晨起長哦後山秋懷十詩曲逆有餓死英布刑而王

考漢書陳平封曲逆侯而餓死乃周亞夫事詳其文

義似屬誤用

擬古其二可憐世上人刺促鳴干戈 原本促訛足据

晉書改

看雨幽心契子綦隱几若忘言 原本綦訛恭据莊子

改

走筆次韻翁父喜雨其三
一雨水入床蛙部連東西

原本蛙部訛珪剖据南齊書改

再和陶韻其一屬予剛制酒空杯與誰傾
原本制訛

傾据尚書改

卷二

老杜浣花溪圖引拾遺流落錦官城
故人作尹眼為青

按此詩又載黃山谷集中今姑仍永樂大典本

書懷恭惟元祐全盛時
左右明王非列辟
案非列辟猶言非列辟乎
宋人多如此省文歇後
其源出于杜甫

鳳雛無凡毛五色非爾曹句 又爾時吾祖亦遭逢
曾與坡范同入直案坡范乃指范祖禹元祐中為翰
林學士蘇洵為蘇頌之孫頌嘗與祖禹同官故有此
語其下文石羊去作高資夢句蓋頌葬地在高資港
集中又有過高資拜大父墓詩皆可參考

送孟信州去矣行男兒四十作太守路人指點生光輝
原本點訛默今改

卷三

有歎其一山稜人踏減灘石浪槎圓 原本槎訛榼今

改

陪制帥寶學侍郎飲別金陵諸勝地夜氣輕杯力霜稜
迫妓圍 原本稜訛陵妓訛技考唐申王苦寒令宮
女密圍而坐曰妓圍今据改

次韻芻父秋懷其三世事翻成覆人情燠易寒 原本
翻訛翻据杜詩改

次知縣兄曹娥渡句撫穉頭空白逢人眼未青 原本
眼訛恨今改

寄常山晉叟兄當日王猷興真成訪戴回 原本猷訛

獻今改

感舊去有身將影歸無父惜兒 原本父訛文今改

卷四

百家泊蓬背瀟湘雨溪南欵乃聲 原本欵訛刻今改

峽險崩石驚船過盤渦逼棹移 原本渦訛窩据郭璞

江賦改

題蠟履金貂二亭一生須幾兩萬事付三杯 原本幾

訛五据世說改

八月十二日再入都鄱陽仍是客李廣不封侯 原本

陽訛楊据漢書改

過高資丞相墓先祖當元祐誠心相哲宗 原本元訛

天按元祐為宋哲宗年號今据改

卷五

春去秧田水滿聞姑惡樹葉陰濃叫姊歸 原本惡訛

怨今改

太息時情何限刀邊蜜歲晚偏多葉上霜 原本蜜訛

察据唐書李林甫傳改

團扇風高碧落無窮雁日暮青山欲斷蟬 原本斷訛

繼今改

卷六

端午日宮宴其二一樣薰風分五色蜀葵林畔按涼州

原本涼訛京今改

次韻穎叟弟耕堂雜興其一青箬笠邊無不可黃金帶

後欲如何 原本箬訛若今改

金陵雜興其十九去年夜半草軍書今歲平安一事無

原本軍訛車今改

其四十九摩娑拄杖君隨我遮莫松間喝道來 原本

遮訛輒今改

其六十八臨春何在只桑麻法寶叢篁間杏花 原本

春訛秦今改

其八十城西二里楚金陵吳帝名為石首城 崇石頭

城古無稱石首城者此詩蓋因平仄而改似未妥穩

其一百二十四安得山楹周四者肯來相伴此吟哦

崇山楹周四蓋蘇洞之友周姓行四而號山楹者薛
師董題金陵雜興詩後有方泉周四半生痴句蓋即

此人而其名已佚今無可考矣

其一百四十三周顥宅作阿蘭若婁約身歸宰堵波

原本阿訛河今改

其一百七十四秋千折罷無聊賴軒楹周遭綠一般

原本般訛船据韻改

卷七

龍瑞宮其二重來洞府青春晚一樹桃花犬吠人 原

本缺花字据李白詩天吠水聲中桃花帶雨濃補

琴臺尚有茂陵多病後眼前相對卓文君 原本茂訛

武今改

題千秋館不見風流賀季真酒船回棹莫逡巡 原本

季訛子今改

姑蘇臺姑蘇門外連宵泊愁聽寒山半夜鐘 原本山

訛江今改

釣魚一色藕花三十丈明年歸住鑑湖頭 原本鑑訛

江案蘇洞本屬越人既云歸住不當泛言江湖今改

效張文潛雪體半夜樵歸逢說虎隔溪畱罷約留燈

原本畱訛曾今改

卷八

次韻九兄秋吟其四橙香夢澤團臍蟹尊老吳江巨口
鱸 原本橙訛根今改

耕堂弟婦生日鶯鶯解作嬌娥唱意外垂楊是小蠻

原本蠻訛鬟据白樂天詩改

來禽詩絮絮來禽已著花芳根誰徙向天涯好尋青李
相遮映風味應同逸少家 案此詩廣羣芳譜引之
題作劉子翬作今永樂大典又載入蘇集未知孰是

後村集

宋劉克莊撰

卷一

歸至武陽渡作蓬底歸人要認家
原本底訛斷据宋

詩鈔改

卷三

蔡溪巖注陳聘君隱處
原本脫陳聘君隱處五字据

姚廷謙本增

卷四

七月二十日自瀑上先歸驅還始悟山靈意怕向蒼崖

寫惡詩 原本靈訛林据姚本改

卷六

湘南江西道中相隨客子到豐城 原本隨訛逢据姚

本改

卷七

贈陳起鍊句豈非林處士驚書莫是穆參軍 原本穆

訛鮑据姚本改

卷八

永嘉黃九萬見訪靈舒如見問今作灌園翁 原本作

訛在据姚本改

和趙南塘離支借問驛馳丞相府何如輦致道山堂

原本山訛士据姚本改

卷十

送趙信州遙知陌上羅敷女競看雙旌出勸耕 原本

競訛驚据姚本改

卷十三

次王實之家塾韻新敞朱夢映碧岑 原本夢訛門据

姚本改

卷十六

和鍾子鴻舂糧禮數呼兒具覆醬文章怕客看 原本
醬訛帳据姚本改

卷十九

鷓鴣天腹疾困睡居人不識庚桑楚 原本庚訛更据
莊子改

卷三十一

跋樂平吳桑書說昔桓榮以書致身師傅 原本桓訛
耿据漢書改

葵齋文編 宋趙孟堅撰

卷一

萬壽寺避暑讀書展書相對讀佳處擊節猛原本擊
訛極 又過從奚厭密交通久彌敬原本交訛及
今並改

乙未春初解漕幕兼職訪秋壑西湖得柳字經年希會
面感嘆兩執手 原本手訛事据韻改

卷二

山行晚歸前去多林莽新傳有虎狼 原本莽訛浪今

改

不寐頻聞乾葉下空砌遙認征鴻唳遠天
原本頻訛

乾今改

招石希孟朝飯伺餒金鱗渾可狎低飛翠羽不生猜

原本低訛位今改

寓言寥落丹青秋後扇縱橫黑白局中碁
原本碁訛

碁今改

謝送牡丹官舍無花甌有塵縱將畫展不如真
原本

舍訛今今改

卷三

謝泉使賈秋壑先生京狀視富貴如浮雲惟崇勲績拔
才猷於脫穎共赴功名 原本功名訛明堂今改

卷四

謝李計使竇文先生檄入幕啟雖貪器使之榮抑懷綆
短之慮 原本脫使字今增

張氏拙軒集

宋張侃撰

卷一

清寒初如蘆蔔飄終似白練馳
原本蘆訛蔔今改

歲時書事連年田有秋牆東添石磴
案磴字唐韻集

韻俱訓五對切並未有屬二十一箇韻者惟考揚子
太玄經有云陰陽相磴物咸雕離注磴音磨此篇用
韻實本於此

卷三

黃龍洞善權知不遠雙鶴舞胎仙
原本鶴訛雁据黃

庭經改

雨柳凋聞搏黍水淨見春鋤 案搏黍係黃鶯名本

從專音團今此詩作仄音用誤

新晴披披雲陣從東去薄薄晨光向北開 原本東訛

來今改

池邊勞神空覓三年艾妄想休乘八月槎 原本八訛

七今改

偶書事業從教下瀧舫一年竊祿在江皋 案瀧字有

三讀一慮紅切音籠說文雨瀧瀧貌及揚子方言瀧

涿謂之霑濟是也一所江切音雙水名見水經注又
州名見廣輿記一盧貢切音美瀧凍濕也見集韻今
此云下瀧則是瀧中之瀧宜平聲而作仄聲當係一
時用字之誤

同鄉人別朱希文祭判于永春亭蠶方三幼餐乾葉燕
喜雙飛泊短楹 原本三訛一案陸游詩婢喜蠶三
幼自注鄉人以蠶三眠為三幼今據改

卷四

春去明朝春去忙如箭滿市人攜謝豹
原本謝訛

社案老學庵筆記吳人謂杜宇為謝豹杜宇初鳴時
漁人得鰕曰謝豹鰕市中賣筍曰謝豹筍今據改

卷五

上譙大卿書韓退之作師說柳子厚一見其說詆訾慢
罵 案柳州答韋中立書云雪與日豈有過哉顧吠
者犬耳何嘗詆毀昌黎此篇誣子厚太甚持論殊未
平允

跋揀詞唐元稹則以仲尼文王操伯牙水仙操齊牧犢
雉朝飛衛女思歸引為樂府之始原本牧犢作牘沐

据琴操改 又桂有兩種陳去非叅政清平樂詞云
楚人未識孤妍離騷遺恨千年原本叅政作叅議考
宋官制無叅議名史載紹興七年以去非叅知政事
今据改

--	--	--	--	--	--	--	--	--

靈巖集

宋唐士心撰

卷二

擬荆南路宣撫使平儂智高露布女側陸梁卒致漢師
之討盧循猖獗難逃晉室之誅 原本側訛廁据漢
書改

卷三

江南西路提點刑獄諭所部檄維蚩尤之啟兆衆械始
基若子產之立言五材並用 原本五訛天据左傳
改

卷四

濡須鵑記朱桓僅以五千之衆而獨能走曹仁 原本
曹仁訛曹參今改

卷六

黃帝陶正箴疏佗之紀黃序題期 原本佗訛紇今改

榘埜集

宋徐元杰撰

卷一

經筵講義 案此下十條進講論語皆推明朱子集傳之語据宋史本傳稱元杰師朱子門人陳文蔚又師事真德秀故其所說皆師門承受之言

卷八

白左撰論時事書湯巾明朱氏之學黃濤奏穎川之最原本巾訛中案湯巾字仲能安仁人官制幹見游紀聞紹定癸巳曾主白鹿教席今据改

回張憲幹啟瑞雲五朶猥蒙珍翰之頒大厦萬間行侈
歡顏之庇 原本萬訛高今改

卷九

賀湖北岳漕除帥啟屬陝以東陝以西寄欲分于周召
謂洛之南洛之北效已試于石温原本名訛名今改
又前茅後勁願承晏御之驅馳小桷大宗尚藉郢
斤之斲削原本桷訛桶据昌黎集改

上荆湖陳制帥啟願韓荆州之識在謫仙而亦然上于
襄陽之書以昌黎而猶爾 原本韓訛鞞今改

秋崖集

宋方岳撰

卷四

木瓜塢但得相尋雙脚健不須論報計瓊琚 原本琚

訛瑤据韻改

卷九

宿芙蓉驛俯仰十年如夢耳舊題剝落已塵埃 原本

夢訛春今改

卷十六

滿庭芳 原本庭訛天据詞律改

卷三十四

爾寓上梁文吾有大患何為造物之贅疣 原本疣訛

龐据莊子改

字溪集 宋陽枋撰

卷一

上魏鶴山了翁論時政書 按魏鶴山了翁講學於白

鶴山故號鶴山原本山訛仙今改

卷四

辭平舟聘禮書啟緘伏讀知君子用泰不遐遺而錄小

善 原本遐訛選今改

卷六

通紹慶手劄時方荒邵圃之瓜地難種陶籬之菊原

本邵訛郡今改

卷七

圖說月受日光圖引參同契云七八道已訖屈折低下
降 按參同契一本無此二語又東北喪其明一本
作東方表其明下又有節晝相禪與繼體復生龍壬
癸配甲乙乾坤括始終四句

天高地廣土圭測景緯書括地象云極之廣長皆二百
三萬餘里南北二百三萬一千五百里東西二百三
萬一十里廣雅云自地至天一百一萬餘里周天三

百六十五度四分度之一為一百七萬餘里徑三十
五萬餘里按太平御覽載桓譚訢論天圓廣南北
二億三千五百里七十五步東西短四步按禮內則
降德于兆民疏算法億之數有大小二法小數以十
為等大數以萬為等萬至萬是萬萬為億也据此則
二億者二百萬也其南北之數亦較括地象增二千
里七十五步東西亦增五百里七十一步與此所引
廣雅合又按爾雅疏引考靈耀云周天十萬一千里
與此所引括地象廣雅互異又太平御覽載張衡靈

憲曰天有九位自地至天一億一萬六千二百五十里與此互異

卷八

策問其二饒風散闕敵騎翕忽原本風訛鳳 又必欲效大儀之進擊則衆寡有不敵之憂按韓世忠大敗金人于大儀原本儀訛樣並据宋史改

其三鯁亮宏遠僅稱勉石 按李勉李石俱唐宗室原本石訛右据唐書改

卷十

用昌黎賦鳴雁韻俯仰塵世應無他 原本他訛地据
昌黎集改

卷十一

賀李萬州守變濫吹叢中情懶散彈冠鏡裏髮爬豸

原本吹訛次据韓非子改

贄趙廣安萬家吟賞知微月千里依棲刺史天 原本

知訛和据三水小牘改

雪坡集

宋姚勉撰

卷一

丙辰封事則臣蔡抗又已去國原本抗訛抗据宋史改
又士有利祿原本有訛於据下文改

卷七

癸丑廷對策則不過為終南捷徑之求原本過訛過
又仁祖雖以是黜仲淹原本黜訛黜今並改

卷二十

送李幼章占鵠日日旦及晡 原本晡訛補今改

卷二十一

姑惡詩猶訢姑惡無停時 原本訢訛許今改

卷三十二

答許司門書更望益加培植 原本益訛蓋今改

卷三十四

辛居安水閣記清樂顧可量哉 原本顧訛願今改

卷三十七

毛霆甫詩集序其有所興矣 原本脫有字今增

卷三十八

草堂詩稿序景定元年 原本脫定字据宋史增

卷四十一

書邵堯夫真蹟後出邵子觀物篇 原本脫觀字据皇

極經世書增

卷四十六

太平興國寺再建淨土院接待榜唐時三藏玄奘師

原本奘訛照据唐書改

文信國集杜詩

宋文天祥撰

祥興南嶽配朱鳥

刊本嶽訛北据杜集改

南劔州督江閣臨石面注簡巖雲安

刊本脫安字据

杜集增

過章貢故里但空存

按存杜集作村

懷舊故鄉不可思注赤谷

刊本赤谷訛亦思据杜集

改

疊山集

宋謝枋得撰

卷二

上丞相留忠齋書

刊本留訛劉按忠齋係留夢炎之

號今据改

--	--	--	--	--	--	--	--	--

潛山集

卷十一

鴈山靈峰寺謝公嶺下靈峰寺諾詎羅曾向此居案西
域書阿羅漢諾詎羅居震旦東南際大海鴈蕩山芙
蓉龍湫唐貫休為諾詎羅贊有鴈蕩經行雲漠漠龍
湫宴坐雨濛濛之句原本作諾詎那誤今改

須溪集

宋劉辰翁撰

卷三

南康軍昭忠寺記會公之子鎬脫衰入燕以書來求記
按通鑑江萬里子鎬與父同死于止水此云鎬以
書來求記豈鎬未與父同死耶且脫衰入燕云云豈
鎬父死後竄于燕耶與通鑑不合更俟參考

卷九

掃花遊 按掃花遊又名掃地花掃地遊調俱九十五
字原本訛作掃花邊据詞律改

憶江南 原本訛梧桐子据詞律改

內家嬌 原本家訛多据詞律改

百字令 原本訛作赤壁詞据詞律改

葦航漫遊稿

宋胡仲弓撰

卷一

感古其十杜康精酒法陸羽脩茶經 原本康訛安今改
歲饑郡行賑卹過餘杭呈莘縣尹天目發深秀餘不流
清妍 原本秀訛脩今改

夜聞琵琶韻如寒泉清且冽安得曹綱同一撥 原本
綱訛保按曹保不善琵琶曹保之孫綱乃善琵琶樂
府雜錄云曹綱善運撥裴興妓善攏撫今据高齋詩
話改

卷二

寄西澗葉侍郎形役猶甘分腸枯費苦吟 原本形訛

刑今改

將樂縣詩 按此詩四支五微八齊三韻參用律詩無

此體

卷三

次秀野使君見寄鈴閣祇今增壘綬路車何日飾鉤膺

原本膺訛鷹今改

旱湖但得孤山梅不死其他風物弗闕情 按亢旱奇

灾人所共惻末二句乃藉以自鳴不預世事之高殊
為害理揆之杜老情懷相去萬里矣

上元觀燈他年同侍傳柑宴記取樓前擲果時 原本

柑訛甘今据東坡集改

答頤齋詩筒走寄詰朝紫翠欄邊約喜有溪毛可絮羹

原本絮訛歲据禮記改

次雪舟進退韻 按此詩以豪歌二韻參用故以進退

韻標題即唐郭谷所謂轆轤韻雙出雙入者也在詩

家已非正格然亦須其韻相近如李師中贈唐介詩

以寒山同押尚可此詩乃豪歌同押古韻律詩皆無
可通之例宋人小說記閩士作賦以天道如何仰之
彌高相叶適與閩人典試因而中式是讀歌如豪乃
仲弓誤用方音姑仍舊本錄之而附訂其謬於此

卷四

郊外即事勿聽鷓鴣行不得雲山深處路尤長 原本
不得作未得按行不得係鳥語今改

題楊妃上馬嬌圖 按此詩四支五微十灰三韻參用
絕句無此體

四明文獻集

宋王應麟撰

卷一

周山川圖記有浮而清有沈而奧 原本沈訛治据詞
學指南改

漢百官朝會殿記經之營之適新廣殿原本新訛彰

又非止為大會設矣原本設訛殿 又蔡邕細書東

觀原本細訛納並据詞學指南改

唐七學記國子三百人 原本三訛二据唐書選舉志

改

慶元路重建儒學記純孝之董文士之任自漢以來為
美談 原本任訛仕案一統志任奕句章人嘗著任
子十卷朱育稱其為文章之士今據改

先賢祠堂記猶在國之祭于瞽宗也 原本缺國字據
周禮大司樂及禮記文王世子注補

天禧編御集序論有勤政 原本脫政字據詞學指南
增

詩考語畧序笙詩有聲無辭 原本辭訛詩據朱彞尊
經義考改

卷二

郊祀大禮赦文昇丘而欽柴 原本欽訛斂据揚雄甘
泉賦改

舉庶吏詔周聽治以六計 原本六訛云今改

舉將帥詔兩漢詔令云云 按真文忠公集此係真西
山語原本訛作朱文公今据改

責諭賈似道歸里詔注遣鄭虎臣監押之廣南 原本
廣訛至据宋史改

賜左相陳宜中詔注由海道趨温州原本溫訛溢 又

益王登位原本益訛廣並据宋史改

卷三

代皇子謝賜孝經十六句表祖武可繩原本武訛式据
詞學指南改 又按語標表也原本標下行目字

又漢羣臣書四品原本品訛表並据詞學指南刪改
寧宗皇帝經武要畧原本畧訛領据宋史改 又粹寶

祐端平之憲章原本祐訛紹据宋史理宗紀改

請度宗聽政第七表按語丞相總護還辭位表三道

原本相下行言字又脫護字並据宋史王應麟傳刪

增

謝賜御製牧民銘表永久甸侯之範 原本侯訛俠今

改

進光宗寧宗寶訓表顯哉謨承哉烈 原本承訛丞据

尚書改

平交青州露布三捷取壽陽之境 原本壽陽二字互

倒据晉書及詞學指南改

諭告巴蜀檄注檄軍書也 原本檄訛機又脫書字並

据詞學指南增改

諭晉隰慈州檄興元元年八月某日 考唐書李懷光
反在興元元年而馬燧取長春宮諸軍平河中則在
貞元元年八月此云八月某日是引用其平懷光之
年月明矣以貞為興蓋傳寫之誤

卷四

昭慶軍承宣使左金吾衛大將軍加食邑食實封制案
語試制書批答共三篇原本脫批答二字据詞學指
南增 又宋知制誥召試中書而後除不試原本知
制二字互倒又誥下行中書舍人四字並据詞學指

南改刪

寧江軍承宣使 原本承宣訛節度据詞學指南改

葉夢鼎依前少傅觀文殿大學士食邑食實封制注利
州轉運使王价子愬求遺澤夢鼎以為合與 原本
价訛玠合訛舍据宋史改

高達加食邑食實封制嘽嘽戎車 原本車訛東今改

卷五

翰林學士除同知樞密院事誥登貳樞極 原本極訛

樞据詞學指南改

兼禮部侍郎誥 原本侍郎訛尚書据詞學指南及本

文改

李庭芝叅知政事誥注令將校出粟雜牛皮麩藥以給
之 原本麩訛曲据宋史改

文天祥特授端明殿學士兼知平江府誥不負素定之
猷原本負訛圖猷訛營 又惟任之專者位必崇原
本缺任之專者四字 又以增華帥關之嚴原本缺
以增華帥四字並据文忠烈紀年錄改補

文天祥特授浙西江東制置使兼知平江府誥注元兵

破四安 刊本四訛西据宋史改

咎萬壽知嘉興府兼成都府路安撫副使誥肆疇浴於
虓勇俾易鎮於捷為 原本捷訛捷据漢書改

姜才御前諸軍都統制誥注命朱渙守揚州而與姜才
將兵七千趣秦州 原本七訛也据宋史改

謝方叔特贈少師誥案語史彌遠贈中書令追封衛王
原本追訛退据宋史改

江萬里特贈太師誥注謂門人陳偉器白 原本脫器
字据宋史增

王栢特贈承事郎誥注父瀚 原本瀚訛幹据宋史改
尹玉特贈濠州團練使誥注玉戰五牧 原本玉訛丕
据宋史改

閩風集

宋舒岳祥撰

卷二

綠萼香梅十樹咸淳間自內園買歸亂後尚存對之感
歎 原本咸淳訛咸平按咸平乃真宗年號去岳祥
時已數百年咸淳則度宗也今改

卷三

書事斜封今不用直指近方行 原本斜訛邪据唐書
改

卷四

將為鄞江之遊先寄正仲其二哀湍瀉壞道斜日照殘
書 原本瀉壞訛寫懷据杜詩改

哭王達善女授伏生業兒工阿買書 原本阿訛愛据

昌黎詩改

卷五

曝書庭中即事黍黃雞應罽草遠犢呼牟 原本牟訛

年据柳宗元牛賦改

還龍舒舊隱鼠營新穴壞鶴理舊巢枝 原本理訛里

今改

古漁父詞其一莫將文叔事溷我釣魚竿
原本文訛
又据漢書改

卷六

同正仲賦頰桐彩蝶守著頰桐不為香翩如鳳子往來
忙原本鳳訛風 又寧號孟蟬隨鬢裏莫為鬼蝶幻
身藏原本鬢訛鬚今並改

卷七

剪剪春羅欲向小窻成扇面世無陶縝倩誰描 原本縝
訛慎案書畫譜陶縝金陵人善畫花果今据改

山齋觀物額塗金粉蜂歸穴腹吐銀絲蟪布羅 原本

布訛談今改

卷八

柘溪道中有感得勢茅欺蕙安居爵笑鴻 原本蕙訛

惠今改

卷九

楊柳棧 原本棧訛村棠岳祥有篆畦詩序述其池塘
亭榭有楊柳棧之名蓋屋象舟形若歐陽畫舫之類
此詩正題其地今据改

西洞宿雲未是為霖蘇早日出山不似宿巖時 原本
早訛翰今改

卷十

劉士元詩序詩貴成成貴專雖百工商賈馬醫洒削占
覆小數莫不皆然也 原本削訛掃据史記貨殖傳
改

王任詩序枝亞果新肥審言詩也甫用之為花亞欲移
竹之句 原本新訛斯据杜審言詩改

卷十一

新建委羽洞天大有宮記淳祐癸丑今足庵王君自玉
京往禮焉 原本淳祐作淳熙素淳熙乃孝宗年號
文中足庵王君云云乃岳祥同時人與孝宗不相及
今改

蛟峰文集

宋方進辰撰

卷一

回許國正爭妓書為魯男子則不可
原本脫魯字今
增

卷四

胡德甫四六外編序棘門如兒戲耳
原本棘訛兼据

漢書改

卷七

講義篇賢者能者服公事者
原本公訛職据周禮改

秋聲集

宋衛宗武撰

自序

由方寸精微發為詞演為章又所以題拂乎天地人之
文者也 原本拂訛飾案漢書激名揚譽互相題拂
今据改

卷一

獨鶴然雖啄抱恩變化乃迅速 原本抱訛抱据昌黎
詩改

答野渡塾賓并其子和篇歎予以詩隱貨藥猶韓康

原本藥訛酒今改

卷三

和野渡春雪天教滕巽互驅馳
令下東皇莫敢違
原
本巽訛選今改

菊秋曉枕偶成愁
傾白墮
憐無量
老對黃花更有情
原本脫花字今增

卷四

和丹岳其五欲著春衫憶
織手不勞陸展染青青
原
本陸訛陳据南史改

山行其九陽春有脚堂堂去萬縷垂楊繫不留 原本
縷訛繼今改

廬山集

宋董嗣杲撰

卷一

予辛酉春哭鍾松巖於餘杭靈溪壬戌春於江州馬頭
渡得家問知田耕月亦為古人因述長句 按辛酉
為宋理宗景定元年嗣杲正榷稅富池集中有辛酉
富池元宵寫懷七言古詩二首此時不應仍在餘杭
靈溪當由記憶之誤

卷三

蝶磯青鞋尋勝亦痛快斜陽迅如箭鋒度 原本斜陽

金少口人ノ三ノ三
卷八十四
作叙陽按九江中有叙水陂磯非九江地當是斜陽
之誤今改

卷四

白家池亭老木寒拖千谷翠小蓮涼直兩池金 原本

千谷訛千合今改

卷五

富池客中雨翻茶庵春離岳風颭監旗曉渡淮 原本

庵訛菴今改

元宵懷鄉其二清河坊裏燈宵月負却東風已兩年

按宗史張俊為清河王坊以此得名在杭州城則知
嗣杲實浙人也

英溪集

宋董嗣杲撰

甲戌八月初九夜武康山中洪水驟發 按甲戌為宋
度宗咸淳十年嗣杲時為武康令距壬戌分司富池
時已十二年其官蹟先後畧可考見

裝伯弼周先生手澤 按周弼字伯弼有端平詩雋為
周文璞之子文璞有方泉集故詩有父子傳心旨之
語

滿替在眼即景賦其二欲把肩輿卸先將手板拋 原
本手板訛平板今改

真山民集

宋真桂芳撰

初夏一夜薰風帶暑回
雨天濃翠暗庭槐
原本夜訛
葉暗訛與据四朝詩改

--	--	--	--	--	--	--	--	--

百正集

宋連文鳳撰

卷上

秋懷其六盤桓吳溪上所樂只在魚 按晉張翰傳無

盤桓吳溪事考盧肇思歸賦吳溪一曲有尊有鱸季

鷹高蹈於此卜居此詩益兼用盧肇賦語

伍相公廟丁亥被燬 按農田餘話錢塘江口有伍公

廟元至元四年無火自灾此詩可以互證

釣絲風短髮冷颼颼倚船初下釣又淺拂蘋花落低隨

柳影浮 按陳焯宋元詩彙選倚船作倚欄蘋花作

蘆花

送杜子問歸明州客程烟樹晚鄉夢海魚肥 按四明

志載此海作鯉

卷中

送沈伯雋回雪若見碧瀾趙公子為言衰鬢與愁顏

按輟耕錄云碧瀾趙公宋宗室也晚居吳興黃伯成

贈詩有碧瀾堂外雙溪水之句

有感到此相逢莫相笑誰知臧穀兩亡羊 原本殺訛

獲据莊子改

送周明府公謹并陽山下買山耕 原本并陽訛并陽
考周密自稱并陽老人今改

卷下

送吳子敬序阿諛順旨要領絕 原本領下缺一字今

從後漢書增

冰壺先生傳復命宗室貴戚出五侯鯖饋餉之 原本

鯖訛鱠据漢書改

吾汶稿

宋王炎午撰

卷一

慰趙如山喪書士有師表鄉有典刑 原本表訛有今
改

卷九

題修浮橋啟徒杠成十一月可更後時 原本一訛十
今改

紫巖詩選

元于石撰

吳師道編

卷一

感興姓姓中林鹿 原本姓訛牂据毛詩改

卷二

浪吟掀髯長嘯俛大荒 原本俛訛晚今改

心泉學詩稿

宋蒲壽晟撰

卷三

書草屋壁力競負版蝨計生養狙叟 原本版訛蝦今

改

